

## Cudduredda

*Una storia vera accaduta  
durante il terremoto del Belice nel 1968.*

Cudduredda

'nncintedda.

Chi 'nzunnavi li pupiddi,  
la carrozza di la pupa,  
e rirevi 'nta lu sonnu  
carizzata di la matri,  
c'ogni sira li cuperti  
t'aggiustava 'nta lu lettu.

Cudduredda

'nncintedda.

Ma 'dda notti maliritta,  
chi la terra s'arraggiau  
o pi scantu o pi mminnitta,  
li pitruna arruzzulau  
sippillennuti lu lettu.

Cudduredda

'nncintedda.

E la bedda to' facciuzza  
cummigghiau lu quacinazzu:  
petri, travi, balatuni,  
pi tri ghiorna e pi ddu' notti,  
foru dura sipultura.

Cudduredda

'nncintedda.

Quannu l'occhi tu grapisti,  
'nta li vrazza d'un surdatu,  
iu ti vitti, biniritta,  
cchiù scantata ma cchiù bedda;  
nun parravi, nun rirevi.

Cudduredda

'nncintedda.

'Nta lu lettu du' spitali,  
l'occhi granni comu stiddi,  
che parevanu a nuatri  
l'occhi amati di li figghi,  
tu chiuisti surrirennu,  
'nta lu chiantu di 'sta terra,  
'nta lu chiantu di cui è patri.

Cudduredda

'nncintedda.

Dormi in paci picciridda,  
la carrozza di la pupa,  
t'accumpagna in Paradisu.

Cudduredda

'nncintedda.

*Egidio Pucci 20 gennaio 1968*